



5. december 2007

Inatsisartut Suleriaasianni § 36 imm.1 tunngavigalugu Naalakkersuisunut apeqquteqaatit mak-kua apeqquteqaatiginiarpakka:

Naalakkersuisunut apeqquteqaatit:

- 1. Kalaallit-nunaanni 1990-imiit ullumikkumut drivhusgassinik silaannarmut aniatitsineq qanoq ingerlasimava? Apeqquteqaatinut akissuteqaatit kisitsinngorlugit akissuteqaatiginissaat kissaatigineqarpoq.**
- 2. Kalaallit-nunaanni nuna tamakkerlugu nunatsinni gassinik CO₂-nik silaannarmut anigatitsinerup millisinnissaa siunertaralugu periusissamik pilersitsisoqarnikuua? 2012-ip tungaanut ukiut tallimaannanngornerat eqqarsaatigalugu, sutigut qanoq iliuuseqartoqarniarnersoq, tassa iliuutsiit suut aallartissimanersut nassuiaatigineqarnissaat kissaatigineqarpoq, kiisalu iliuuseriniakkat pillugit tamanut ammasumik nassuiaasoqarnissaa kissaatigineqarpoq, taamaaliornikkut Kalaallit-nunaanni innuttaasut iliuusissanik ilisimannilerunik akisussaaqataanermik misigisimalernissat periarfissaqalissagaluar-mat.**
- 3. Apeqquteqaatinut akissuteqaatinut ilanngullugu kissaatigineqarpoq suliffissuaqarnik-kut suliniutinut tunngatillugu kiisalu nunatsinni aatsitassanik piaanernut tunngatillugu tamakkua Kalaallit-nunaata CO₂-mik aniatitsinermi naatsorsuutinut ilaatinneqannginnissaat pillugu Naalakkersuisut isumaqatigiinniutinut taputartuussisinnaanissamut qanoq Kalaallit-nunaat periarfissaqarnerpoq pillugu qanoq eqqarsaateqarnerisut ilanngullugu nassuiarneqassasoq kissaatigineqarpoq. Tamatumunnga ilaatinneqassapput ilaatigut ALCOA pillugu suliniutissatut pilersaarutigineqartut.**
(Inatsisartunut Ilaasortaq, Marie Fleischer, Demokraatit)

Tunngavigisaq:

Soorlu nalinginnaasumik naluneqanngereersoq. Kalaallit-nunaat Danmarki aqutigalugu Kyoto-mi isumaqatigiisummut ilaareerpoq, taamaammallu pisussaaffeqarluni.

Kalaallit-nunaat Danmark-imik killilersukkamik isumaqatigiisuteqarneq tunngavigalugu 1990-imut naleqqiullugu drivhusgassinik silaannarmut aniatitsinini 2008-2012-ip tungaanut 8%-imik millisitsinissamik pisussaaffeqarpoq, tamatumalu nalaani Danmark drivhusgassinik silaannarmut aniatitsinini 12 procentimik millisissallugu pisussaaffeqarpoq.

Nunarsuata tamarmiusup silaannaata kissakkiartuinnarnera, minnerunngitsumillu nunarsuatsinni qinikkat akimasuut nunatsinnut tikeraartarnermikkut Kalaallit-nunaat nuarsuarmi tarmarmi tu-saamaneqartutut inississimavaat. Aammami uvagut nammineerluata qanoq iliusseqarnitsigut nu-narsuarmioqatitsinnut ilisimaneqalersissimavarput nunarsuartinni silaannaap allanngoriartorne-qatigut nunatsinni aalisartortavut piniartortavullu annertuumik eqqugaanermikkut atugarliuute-qalersimasut. Taamaattumillu pissusissamisoorpoq uvagut Kalaallit-nunaanni aammattaaq Kyo-to-mi isumaqatigiisutini allaqqasuni pisussaaffigut nammineerluta naammassiniassagutsigit.

Kissaatigaara peqquteqaatit makkua ullut suliffiusut qulit qaangiutsinnagit akissuteqarfigineqas-sasut.